

AGHT 1 (Bio) Ida, Gweeda, Ada, Bugganeyn, Loan, Hiallus Feeagh

Coolrey: Filym lossan ny Twoaie

Hiallus as Loan ayns dorraghys shassoo dagh cheu jeh'n ingan, Loan greimmey y cliwe, Hiallus bwoalley eh lesh e oard.

ARRANE Lossan y Twoaie

Rio Stroo

Sleityn Doo

Carrick Keeir

Aile Feer

Yiarn chiow

Roony'n bio

Lossan y twoaie rptd x2 gyn brishey

Coolrey Drontheim

Ta ny buitichyn cheet er yn ardan ayns dorraghys, ta Gweeda as Ida follaghey Ada, Hiallus as Loan lesh cloagaghyn sheeynit magh. Soilshey fo raad. T'ad craa nyn ging chouds ta ny ta bugganeyn goll er yn ardan, caggey dy roshtyn eh hoshiaght as eisht nyn shassoo mygeayrt. (Ta Feeagh follaghey eh hene as geaishagh/ jeeaghyn er yn reayrt.)

Ida: Bugganeyn! Aghtyn agglagh!

Gweeda: As tad soaral!

BUGGANEYN (*rish buitichyn*): Grrrr!

Ida: Er lhiam's nagh vel ad rieu er ve ec scoill!

Gweeda: Shen ny t'ou jerkal rish voish Bugganeyn!

BUITICHYN: Dy jarroo, t'ad garroo!

BUGGANEYN: Grr! Ta shin feer, feer lajer! As ta shin cho tushtagh as shiuish, buitichyn!

BUGGANE 1: C' red ta shin jannoo ayns shoh?

BUGGANE 2: Cha nel fys ain, agh t'ad cur argid dooin!

BUGGANEYN: Argid aboo! Smie lhien argid!

Gong as kiaull dramatagh. Ida as Gweeda cur sheese cloagaghyn Ta Ada cheet rish.

Ada: Sheese er ny glioonyn eu son yn Gaue Grouw voish Drontheim...Loan as yn dooinney oard echey, Hiallus yn Oard!

Bugganeyn as buitichyn crommey sheese chouds ta Loan as Hiallus shassoo er oaie

BUGGANEYN: Cred ta taghyrt??

BUITCHYN: Sshh!

ARRANE: Ta shin er jeet ry-cheilley son red yindyssagh!
Nish ta shin er jeet ry-cheilley son red yindyssagh
Yindyssagh O Yindyssagh!
As t'eh croghey er ny reddyn agglagh cuirrit stiagh
cuirrit stiagh o cuirrit stiagh!
Ogh cha nee! Jeeagh er y traal!
Nish son yn pishag obbee shegin dou gra o
Hainey Fainey fig na Fag Ooilley dooilley Adam y Nag
Stony Rock Calico Vac Ham, ram rash Tig as ersooyl!

BUITCHYN: (cackle) AGGLAGH HA HA HA!

Loan: Ren oo dy mie Ada. Ta shin ooilley ayn. Uss, yn ven-obbee s'pooaral sy twoaie, as dty drogh studeryn!

BUITCHYN: (*craa nyn ging*) Loan!

Loan: As shuish. Bugganeyn voish ny sleityn! Ny musclyn!

BUGGANEYN: Ny musclyn, o vuitchyn. Nah, nah, na nah, nah! Nah, nah, na nah, nah!

Ada: Kiunys roish yn gaue!

Ida: (aside) Quoi ren cur cuirrey daue dy heet!

Loan: Mish! Hug mee magh my saraghyn as haink shiu ooilley!

Buggane: Cre'n fa?

Loan: Dy yannoo cliwe, cliwe er lheh, cliwe y lheid nagh vel yn theihll er'n akin foast. Cliwe ta scarrey yiarn as gearrey creg, ta cur baase da deiney (as bugganeyn)... ayns shallid.....my ta feme er!

Buggane: Quoi vees croo eh?

Loan: Mish Loan Maclibuin, yn Gaaue Grouw voish Drontheim... ard-ghooagh fud ny cheerey!

Ada: Bee niart mraane obbee er yn chliwe!

Buitchyn: Bee!

Ada: Bee niart bugganeyn er yn chliwe

BUGGANEYN: Bee!

Loan: Hiallus, my ghooinne y oard...doos yn cliwe va obbrit ayns yn cheirdee ta foddey ersooyl as follit

Ta Hiallus cheet stiagh lesh yn cliwe ta currit er boayrd.

Hiallus: Gow kiarail..ta'n blod foyral!

BUGGANEYN as **BUITCHYN** Wow! Jeeagh er shen!

Ada: Lhig da pishaghys shickyr as niartal ve er yn chliwe shoh! GYS YN OBBYR EU
OOILLEY DY TAPPEE

Ta pooar currit gys y chliwe

ARRANE

Ada:T'eh jeant!

BUGGANEYN/BUITCHYN : Hurrah!

ARRANE: (Solo Loan) Macabuinn
As ta shoh Macabuinn
Yn cliwe smoo sy Loghlynn.
Ta **baase** ayns y vlod echey,
Baase..bun as baare!
Eshyn ta laueaghyn
yn cliwe Macabuinn
Nee giarrey trooid creggyn
Myr dy row agh ad aer

Loan: Nish, quoi b'vie lesh kionnaghey blod neuchosoyllagh? Ta ree noa troailt gys Mannin.
Bee feme echey er wappan pooaral dy haishbyney y niart echey. B'vie lhiat heiss dy valley,
Ada?

Ada: Share lhien getlagh!Whee heey!!!

Harrish y cheayn lesh Norlann

Feeagh: Symmoil! Shegin dou getlagh neesht. Ta red ennagh quaagh mychione shoh.

Arrane: Birling Ghorree Chrovan roish filym
Kiar ayns lhuing ny loghlinee haink yn ree gys Mannin
Tessan Mooiryn freayney roie Birlin Gorree Chrovan
O vans ny hovan o Hirree o 'sy Hovan
O vans ny hovan o Birlin Gorree Chrovan

Datt ny tonnyn heid yn gheay
Ghow yn skimme aggle agh va fer as daanys ayn
Haink yn ree dy stiurey
O vans ny hovan o Hirree o 'sy Hovan
O vans ny hovan o Birlin Gorree Chrovan